


PARTORDING NI PARMINGGUON

MINGGU ESTOMIHI

MINGGU, 15 FEBRUARI 2026
Pkl. 06.00 WIB



TOPIK:
“MARSANGAP JESUS DI ATAS DOLOK”

HKBP KRAMAT JATI
RESSORT KRAMAT JATI

HATA PANGARADEON DI MINGGU

“Shalom..! Horas..!

Andorang so tamulai marhadaulaton marsaor dohot Debata, tapangke ma tingki sangombas martangiang di bagasan rohanta be.

Martangiang ma hita...”

(Dung didok Paragenda Amen.., diuduti ma marhadaulaton.)

I. MARENDE BE. No. 17: 1 – 3 “RAJA NA TUMIMBUL”

BL.210

➤ *Raja na tumimbul Sigomgomi hami Jalo ma pujiannami
Denggan ni basaM do Pangoluhon hami Atik pe mardosa hami
Sai apoi pargogoi hami mangendehon SangapMi o Tuhan*

➤ *Sai dipuji langit JadijadianMu Saluhut pambahenanMu
Parsinondang bolon Na marpamongguri Ho o Tuhan do dipuji
Bulan i Bintang pe Ho do pinujina Dohot sinondangna*

[[longjong]]

➤ *Dohot do tondingku Tungkap di adopan ni habangsaMi o Tuhan
Nang sude donganhu Nasa na marhosa Pujionna do Jahowa
Sai tongtong Na sintong Holan Debatanta Do sipujionta.*

II. VOTUM – INTROITUS – TANGIANG (A.VI.A.6 – D.V.18)

III. MARENDE BE. No. 583: 1 “SANGAP MA DI DEBATANTA”

BL.583

*Sangap ma di Debatanta, di Debata di ginjang i,
Sangap ma di Debatanta, dame di tano on,
Saluhut tinompaNa i, puji ma denggan basaNa i
Puji ma Tuhan Debata, Ama, Anak nang Tondi i,
Sangap ma di Debatanta, di Debatana di ginjang.
Sangap ma di Debata jala dame di tano on On.*

IV. PATIK : IV dohot Lapatanna

(Tatangihon ma Patik ni Debata di Minggu sadari on i ma Patik IV dohot Lapatanna)

Patik Paopathon

Ingot hamu ma pabadihon ari minggu ! Di na onom ari ma ula hamu nasa siulaonmu, alai anggo ari papituhon i, ari paradianan ni Jahowa Debatam do i. Nandang jadi ho mangula anggo di na sadari i, manang anakmu pe

manang borum, manang naposom lahilahi, manang naposom boruboru, ro di pinahanmu ro di pangisi ni huta ni halak pe na mangebati hutam. Ai di na onom ari do ditompa Debata langit dohot tano dohot laut dohot nasa isina; dung i maradian do Ibana di ari papituhon i. Dibahen i do umbahen na dipasupasu Debata Jahowa ari paradiananNa i jala diparbadia i.

Dia do lapatan ni i?

On do: Ingkon dihabiaro rohanta Debata jala ingkon holong rohanta di Ibana, asa unang tois rohanta di ajar na sian Hata ni Debata, ingkon badia do Hata ni Debata di rohanta jala ingkon ringgas rohanta tumangihon dohot mangguruhon.

I do sahatna. Antong, rap mangido gogo ma hita sian Tuhan Debata!

P+ R: Ale Tuhan Debata! Sai pargogoi ma hami mangulahon na hombar tu PatikMi. Amen.

V. MARENDE BE. No. 686: 1 + 3 “RAMUNDOAU”

BL686

➤ *Ramun do au di joloMi, gok dosangki urasi au
O, Jesus, birubiru i, dison do au patau ma au.*

[longjong]

➤ *Ala denggan ni basaMi Ro au tu Ho, O Jesushi,
Parbadiai ma rohangki, Dison do au patau ma au.*

VI. TANGIANG MANOPOTI DOSA (B. 3 – C.8)

VII. MARENDE BE. No. 453: 2 – 3 “SADA GOAR NA UMULI”

BL.304

➤ *Tung na malum do rohangku, nunga sonang tondingki,
GoarMi do sinjatanku dompak angka musu i.
GoarMi Tuhanki, holan i do endengki
GoarMi Jesuski do pamalum rohangki*

➤ *Sipalua do goarMu, saut malua tondingki.
Nasa rante ni sibolis ingkon sega baenon nii.
GoarMi Tuhanki, holan i do endengki
GoarMi Jesuski do pamalum rohangki*

VIII. EPISTEL: 2 Samuel 22: 44 – 51 (Responsoria)

P : Tatangihon ma Hata ni Debata Epistel di Minggu sadari on, na tarsurat di 2 Samuel 22: 44 – 51.

Angkup ni nunga dipalua Ho ahu sian parbadaan ni bangsongku, nunga dipabangkit Ho ahu gabe ihutan ni angka bangso parbegu, gari bangso na so hutanda mangoloi ahu.

R : Gari halak na pulik marga mangalesemlesem ahu, guru dokhu do dioloi nasida.

P : Merus do angka anak ni na pulik marga, jala angka hitir do nasida ruar sian partanobatoannasida.

R : Mangolu do Jahowa, jala tama do papujipujion partanobatoanhi, jala timbul do Debata ni hatuaonhu.

P : Debata do silehon angka partubolon tu ahu dohot papatuhon angka bangso tu ahu.

R : Ibana sipalua ahu sian angka musungku, Ho do tongon patimbul ahu maralohon angka alongku, nunga dipalua Ho ahu sian jolma sibahen gogo.

P : Dibahen i pujionhu ma Ho ale Jahowa, di tongatonga ni angka bangso parbegu, jala endehononku ma GoarMu.

R : Ibana sipatimbul angka hatuaon ni rajaNa, jala Ibana mambahen asi ni roha tu jolma naung miniahanNa i, tu si Daud dohot tu pinomparna i ro di salelenglelengna

P : Ido sahatna. Martua do angka na tumangihon hata ni Debata jala na umpeopsa.

R : Amen.

IX. MARENDE BE. No. 117: 1 + 3 “JAHOWA DEBATANTA DO” BL.205

- *Jahowa Debatanta do, partanobatoanta
Musunta ingkon talu do, dibaen pangondinganta
Ianggo musu i, i ma sibolis i,
Jorbut do tahi ni, mangago jolma i; Ndang dapot na mangatup*

[longjong]

- *Gok begu pe portibi on, na naeng mamolgak hita
Nda tung mabiar hita on, ai ingkon monang hita*

*Ai nang tarrimas pe sibolis i tahe ndang habiaran be
Ai nang sahata pe, tuk do manaluhonsa.*

X. MANGHATINDANGHON HAPORSEAON

**P : Tahatindanghonma haporseaonta i, songon na hinatindanghon
ni donganta sahaporseaon di sandok portibi on.**

Rap ma hita mandok!

P+R: Ahu porsea di Debata Jahowa.....

[Hundul]

XI. KOOR: PUNGUAN AMA JOSUA LANSIA

XII. TINGTING

XIII. KOOR: PUNGUAN LANSIA

XIV. MARENDE BE. No. 581: 1... "SANGAP DI JAHOWA"

BL.581

(Papungu Pelean Ia dohot Ib)

➤ *Sangap di Jahowa na sun timbul i, Balga ni holongNa ndang tarasam i
Dilehon AnakNa na sasada i, Manobus hita jolma pardosa i
Puji ma Debata ale manisia, Las roham las roham somba ma Debata
Dapothon Jahowa na sun timbul i, Marhite AnakNa Tuhan Jesus i*
[instrument musik]

➤ *Tung so hasahatan do basaNa i, Marhite AnakNa ni lehonna i.
MudarNa durus do di hau silang i, Rara pe dosanta ias dibaen i.
Puji ma Debata ale manisia, Las roham las roham somba ma Debata
Dapothon Jahowa na sun timbul i, Marhite AnakNa Tuhan Jesus i*
[instrument musik]

➤ *Balga situtu pambaenMi Debata. Tung so hasahatan holong ni rohaM.
Tu jolma pardosa asi do rohaM, Di ungkap Ho dalan lao tu banuaM.
Puji ma Debata ale manisia, Las roham las roham somba ma Debata
Dapothon Jahowa na sun timbul i, Marhite AnakNa Tuhan Jesus i*
[instrument musik]

XV. JAMITA, Lukas 9: 28 – 36

- *Sombaonhu Ho o Jesus, baen au sitindangiMi.
Na sun gogo na badia, sondang hangoluan i.
Sangap ma, sangap ma, sangap ma di GoarMi.
Sangap ma, Sangap ma, sangap ma di goarMi.*

[instrument musik]

- *Tuhan Jesus sipalua, sondang hangoluan i
Ho do Raja saleleng na, di sude na bangso i,
Sangap ma, sangap ma, sangap ma di GoarMi.
Sangap ma, Sangap ma, sangap ma di goarMi.*

[instrument musik]

- *Habangsam tading di surgo, ro do Ho tu tano on
Lao manobus au pardosa, mate Ho di Golgota,
Sangap ma, sangap ma, sangap ma di GoarMi.
Sangap ma, Sangap ma, sangap ma di goarMi.*

[instrument musik]

XVII. PANUTUP

TANGIANG PELEAN – ALE AMANAMI

PASUPASU – AMEN AMEN AMEN



PENDETA DAN PARHALADO HKBP KRAMAT JATI

RESSORT KRAMAT JATI PASAHATHON :

**“Selamat Hari Minggu,
Shalom”**

